

ANG SIMPLE NGA PLANO SA KALUWASAN KINUTLO GIKAN KANG SAN LUCAS

1. MAKASASALA KITANG TANAN.

San Lucas 5:31-32 Ug si Jesus sa mingtubag miingon kanila: Ang mga maayog lawas wala magkinahanglan sa mananambal; kondili ang mga masakiton. Wala ako moanhi aron sa pagtawag sa mga matarung, kondili sa mga makasasala sa paghinulsol.

San Lucas 18:19 Ug si Jesus miingon kaniya: Nganong ginganlan mo ako nga maayo? Walay bisan kinsa nga maayo kondili usa lamang, ang Dios.



MAKASASALA KITANG TANAN.

2. DUNAY BAYAD ANG SALA.

San Lucas 16:15 Ug siya miingon kanila: Kamo mao ang mga nagapakamatarung sa inyong kaugalingon sa atubangan sa mga tawo; apan ang Dios nakaila sa inyong mga kasingkasing; kay ang ginapahitaas sa mga tawo, kangil-aran sa atubangan sa Dios.

San Lucas 9:5-6 Ug bisan kinsa nga dili modawat kaninyo, sa pagpahawa ninyo niadtong lungsora, paphaa ninyo ang abug sa inyong mga tiil, aron sa pagpamatuod batok kanila. Ug nanggikan sila ug nangagi sa mga balangay nga nagawali sa Maayong Balita, ug nanagpanambal sa bisan diin dapit.

3. SI HESUS NAMATAY UG GIBAYARAN ANG ATONG MGA SALA SA KRUS.

San Lucas 18:13 Apan ang maniningil sa buhis nga nagatindog sa halayo dili ngani buot bisan lamang sa pagyahat sa iyang mga mata ngadto sa langit, kondili hinonoa nagapamukpok sa iyang dughan nga nagaingon: Oh, Dios! malooy ka kanako nga usa ka makasasala.

San Lucas 19:10 Kay ang Anak sa tawo mianhi sa pagpangita ug sa pagluwas niadtong nawala.

San Lucas 24:46 Ug siya miingon kanila: Ingon niini ang nahasulat, nga si Cristo kinahanglan magaanus, ug mabanhaw gikan sa mga minatay sa ikatolo ka adlaw.



SI KRISTO NAMATAY PARA SA MGA MAKASASALA

4. ANG KALUWASAN USA KA LIBRE NGA GASA, DILI SA MAAYO TA NGA BUHAT. TUOHI UNSA MAN ANG GISULTI SUMALA SA PULONG SA DIYOS UG IBUTANG ANG PAGSALIG KANG KRISTO LAMANG

Dapat 4:12 Ug diha sa lain walay kaluwasan gikan kang bisan kinsa, kay walay lain nga ngalan sa ilalum sa langit, nga nahatag sa taliwala sa mga tawo, nga diha kaniya mangaluwas kita.

Tau Efeso 2:8-9 Kay tungod sa gracia naluwas kamo pinaagi sa pagtoo, ug kana dili gikan sa inyong kaugalingon; kini hatag sa Dios: Dili tungod sa mga buhat, aron walay bisan kinsa nga mangandak.

Tito 3:5 Dili gikan sa mga buhat sa pagkamatarung nga atong ginapamuhat, kondili sumala sa iyang kalooy, giluwat kita niya pinaagi sa paghugas sa bag-o nga pagkatawo, ug sa pagbag-o sa Espiritu Santo;

5. IBUTANG ANG PAGTOO UG PAGSALIG KANG KRISTO LAMANG.

San Lucas 13:3 Nagaingon ako kaninyo: Dili; apan, gawas kong kamo maghinulsol, mangamatay kamong tanan sa mao usab nga pagkaagi.

San Lucas 18:17 Sa pagkamatuod nagaingon ako kaninyo, nga bisan kinsa nga dili modawat sa gingharian sa Dios ingon sa usa ka bata, dili gayud siya makasulod didto.

Roma 10:9-10,13 Kay kong igasugid mo sa imong baba si Jesus ingon nga Ginoo, ug motoo ka sa imong kasingkasing nga ang Dios nagbanhaw kaniya gikan sa mga minatay, mamaluwas ikaw. Kay uban sa kasingkasing ang tawo mitoo ngadto sa pagkamatarung; ug uban sa baba may pagsugid nga ginabuhat ngadto sa kaluwasan. Kay bisan kinsa nga magatawag sa ngalan sa Ginoo, mamaluwas siya.



KUNG BUOT IKAW NGA MODAWAT KANG KRISTO HESUS NGA IMONG MANLULUWAS, ANIA ANG ALAMPOON. ANG PAG AMPO NIINI O BISAN UNSA MAN NGA ALAMPOON DILI MAKALUWAS KANIMO. ANG PAGSALIG LAMANG KANG HESUKRISTO ANG MAKAHATAG UG KAPASAYLOAN SA SALA. KINI NGA PAG AMPO MAO ANG SIMPLE NGA PAMAAGI PARA NIMO MASUGID ANG IMONG PAG TOO KANIYA UG PAGPASALAMAT KANIYA SA PAGHATAG KANIMO SA KAPASAYLOAN.

“GINOO,

NASAYOD AKO NGA AKO MAKASASALA. NAKABALO AKO NGA ANGAYAN AKO SA BUGTI SA AKONG SALA. APAN, AKO KARON NAGTUGYAN SA AKONG PAGSALIG NI HESUKRISTO ISIP AKONG MANGLULUWAS. NAGATOO AKO NGA ANG IYANG KAMATAYON UG PAGKABANHAW NAGAHATAG KANAKO SA KAPASAYLOAN. MISALIG AKO KANG HESUS UG KANG HESUS LAMANG NGA AKONG PERSONAL NGA GINOO UG MANGLULUWAS. SALAMAT GINOO, SA PAG LUWAS UG PAGPASAYLO KANAKO! AMEN!”